



Terenga 3: Hōtaka 14 – Whakahē

Nau mai ki tēnei hōtaka e tuku nei i te reo kia rere ki ōna kōtihitihi. Ko tātou ngā oha o ō tātou tūpuna. Mā tātou te taonga nei e raupī, e mīrā.

Hei Mahi Whakarongo

Ākuanei tātou ka rongō ki te reo mārire o tētehi koroua kua roa e pakanga ana kia whakaaro nuitia te reo i roto i ngā ture o Aotearoa, i roto anō i ngā ngākau o te iwi Māori. Anei ētehi pātai hei whakautu mā koutou:

- 1) I pōhara te iwi i te aha?
- 2) Ko wai te wahine rongonui i whakahuatia ai e ia?
- 3) Kei whea te 'mura o te ahi'?

Kia whakarongo ake tātou ki ngā kōrero a Huirangi Waikerepuru.

He Whakamārama

Anei ngā kupu whakakāhore hei tīmata i ngā rerenga kōrero:

Kāore Kāhore Kīhai Korekau Horekau Rawa

Tirohia ngā rerekētanga o ēnei rerenga kōrero:

- | | |
|--------------------------|-------------------------------|
| 1. Kāore au e haere. | <i>I'm not going.</i> |
| 2. Kāore au mō te haere. | <i>I don't want to go.</i> |
| 3. E kore au e haere. | <i>I won't be going.</i> |
| 4. Kore rawa au e haere. | <i>I'll never go.</i> |
| 5. Kua kore au e haere. | <i>I'm not going anymore.</i> |
| 6. Kua kore aku moni. | <i>My money's run out.</i> |

Hei Mahi

Whakakapihia ngā kupu **kua tohua** ki ētehi atu kupu.

1. Kāore taku kiri e rongō i te makariri o te hau.
2. Kua kore ngā manu o tēnei whaitua o te maunga.
3. Kāore au mō te whāki atu ki a koe.
4. Kāore au e whakaae kia hokona te whenua.
5. Kāore te tangata rā i whai i ngā tapuwae o tana tupuna.

He Whakautu:

1. Rawa, Karekau, Horekau
2. Kua ngaro
3. e hiahia ana ki
4. Kore rawa, Korekore, Korekore rawa, E kore
5. Kīhai